

Page fribourgeoise

Autor(en): **[s.n.]**

Objektyp: **Group**

Zeitschrift: **Le nouveau conteur vaudois et romand**

Band (Jahr): **95 (1967-1968)**

Heft 9-10

PDF erstellt am: **15.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Page fribourgeoise

Achinbyâye di patèjan a Epindè

Apri Trivo è Bounafontanna èthê a Epindè dè rèchêdre la « Radio » d'la Chuiche remanda.

Por inkotzi lou machinè a inrèjichtrâ lè Moncheu dè Lojena èthan chu pyèthe avui on bokon d'avantho.

A vint'ârè è demi, la vèlya keminhyivè pê lè chouè dè binvinyète d'la pâ dè M. Mouron, prèjidan d'l'Amicale « Lè Triolè ». No j'èthan mé dè than patèjan to dzoyâ din ha châla d'l'èkoula. Avui lè tsan è lè fariboulè ouna vintanna chon j'ou inrèjichtrâ po rèbayi dou novi a l'èmichyon dou « Trésor national ». In premi èthê La nè chin va di montanyè tsantâ pê to chi galé mondo. Du hinmoda la chochiètâ dè tsan l'a bayi dou novi j'è dè M. Dzojè Brodâ.

Kemin la chèkretéra l'avê j'ou on bokon pouère dè pâ trovâ prou matère por inrèjichtrâ, y l'avê inkotzi po trè j'èmichyon ke konchèrnâvan le protocole, on piti reportâdzo ichtorike dè chon velâdzo è ouna fêmala admirâbya.

M. Kolly, député, l'a rapèlâ ke nouthron galé patè è lè bredzon chè dèvon vouèrdâ kemin lè botyè. Avui M. Mouron, prèjidan, no chan la manyère a prindre po pachâ di balè vèlyè. Che M. Toffel d'La-Rotse yèjè le rètoua dou furi, M. Francis Tanner kontâvè l'ichtouâre d'la rujâye koujandère. Du Trivo no j'avan M. Franthè Bourdyè, ke no bayivè Po dou guinyon l'è dou guinyon, adon ke M. Pièro Yêrle no fajè a rire avui le chèvechyâ. Ma nyon n'a pipâ on mo kan lè j'èpâ Jule è Lidi Hyimin l'an tsantâ No no mâryèrin chti l'outon.

I n'in d'èthê dè mimo kan no j'an oyu le trio dè Trivo è le duo Linus Hyimin è Rober Horne.

Apri ti hou tsan èthê le toua a M. Ra-faél Horne dè no yère La pout'oura d'la mija, è M. Jule Hyimin dè Châlè no j'èchplikâvè kemin on kroke-mor mou-jâvè dè ganyi cha ya. M. Luvi Gumy no j'a fê a konprindre ke ti lè patè chon bi è ke tsakon dèfin chi d'l'indrê. Po no fére a rèkathalâ, la parola l'è j'ou baya a M. Pièro Kolly, dè Prareman, ke n'in da kontâ di totè fênè.

Apri ti hou j'inrèjichtrèmin, M. Burnet l'a rêmahyâ lè patèjan in no j'inkoradzin a kontinuâ din chi bon tsemin. La vèlya l'a onko dourâ on'ourèta è no chin rintrâ avu le dzouyo d'avi pachâ ouna bala rin-contrâ a Epindè.

Brâvo j'èmi dou patè akutâdè to chin ou chèkon programe d'la Radio a 17 t'ârè 15. Ou pyèji dè vo rèvère chti kou kevin.

Oun'èchkuja valâbya

On'inkourâ ke vinyè d'arouvâ din ouna pèrotse chin va on dzoa fére la tornâye di familyè.

Din le premi minâdzo ke rinkontrè y dèmandè vouéro dè j'infan y l'avan. Kan le chènaya l'a jou de ke n'in d'avan ondzè, l'inkourâ l'è fèlichitè in lou dejin ke fajan anâ a la pèrotse.

Vè la chèkonda familye, ly avê dji j'infan, è le Moncheu to kontin rènovâlè chè konpyimin d'avi bin fê lou dèvé è ke le Bon Dyû l'è rèkonpinchèrè.

Din le trèjimo minâdzo y l'avan tyè on bouébo. Adon le Mètrè d'la pèrotse, in betin lè duvè familyè in ègjinpyo, lou di :

— Dyâchtre fotè, tyè ke vo j'i fê ke vo n'y tyè on'infan ?

Adon le chènaya, bin krânamin, chè betè a dre :

— Tyè voli-vo : Ma fèna l'è tan char-vâdze ke ly a tyè mè ke pu l'a karèchi !

Mariéta Bongâ.